

OPITERGIUM Ptol. lib. 3. cap. 1. vulgò *Oderzo*. Quibusdam creditur antiqua sedes Episcopalis, sed ejus Episcopum non reperi ante *Benenatum*, qui subscripsit Epistolæ Synodicæ sub Agathone.

* CELINA Plin. lib. 3. cap. 19. vulgò *Celine*. *Viticanus* Episcopus Celinensis subscripsit Synodo sextæ Romanæ sub Symmacho.

VICENTIA, vulgò *Vicenza*. Horontius ejus Episcopus subscripsit relationi ad Mauritium, apud Paulum Diaconum lib. 3. c. 27. Horuntinus scribitur. Sed apud Baronium anno 590. n. 28. malè Venetina pro Vicentina excusum legitur. LUCAS HOLSTENIUS.

† H I S T R I A.

FORUM JULII Ptol. lib. 3. cap. 1. vulgò *Friuli*. *Asterius* hujus Episcopus subscripsit Concilio Romano sub Hilario.

** TERGESTUM Ptol. lib. 3. cap. 1. vulgò *Triesto*. D. Gregorius meminit *Firmini* Episcopi Tergestini Epist. 40. lib. 11. Indict. 6.

PARENTIUM Ptol. ibid. hodie *Parenzo*. *Severus* hujus Episcopus legitur apud Paulum Diaconum lib. 3. cap. 27.

POLA Ptol. ibid. hodie etiam *Pola*. *Venerus* hujus Episcopus subscripsit Concilio Romano tertio sub Symmacho.

†† EMONA, aliis *Æmonia*, legitur in lib. Concil. vulgò *Citta nova*. *Maximus* hujus Episcopus subscripsit Concilio Aquileiensi sub Damaso.

PROVINCIA SICILIÆ, IN QUA
MELITA ET LIPARA.

SYRACUSÆ Plinio lib. 3. cap. 8. vulgò *Syracusa*. Princeps Sicilia urbium dicitur apud Solinum cap. 11. Ex ejus Episcopis *Chrestus* subscripsit Concilio Arelatensi primo, *Eulalius* Concilio Romano quarto sub Symmacho; & D. Gregorius Magnus meminit *Maximiani* ejus Episcopi lib. 2. Indict. 10. Epist. 4. nec non *Joannis* lib. 5. Epist. 118. Indict. 14.

TINDARIUM Ptol. lib. 3. cap. 4. vulgò *Tyndaro*. Ex ejus Episcopis *Gaudentius* subscripsit Synodo primæ Romanæ sub Symmacho, § *Severus* tertiæ Romanæ sub eodem. † D. Gregorius Magnus meminit etiam *Eutycii* Tyndaritani Episcopi lib. 2. Indict. 11. Epist. 60.

§§ LEONTINI, Leontium Ptol. ibid. vulgò *Lentini*. D. Gregorius Magnus scripsit Epist. 53. lib. 10. Indict. 5. ad *Lucidum* Leontinum Episcopum.

LYLIBÆUM Melæ lib. 2. cap. 7. vulgò *Marsala*. *Paschasius* hujus Episcopus interfuit Concilio Chalcedonensi, scripsitque Epistolam ad Leonem Magnum, quæ extat inter hujus Epistolas Decretales.

TAUROMENIUM Ptol. ibid. vulgò *Taormina*. § *Rogatus* hujus Episcopus subscripsit tertiæ Synodo Romanæ sub Symmacho. *Victorinus* & *Se-*

I

cun-

N O T Æ.

* *Celina* &c.] Fortè etiam Andreas sub Agathone: nam pro eo quod in latino est Veientanæ, in græco est *Κελαιάνης*, sed omnino ibi legendum *Veglantanæ*, & in græco *Βεγλιάνης*, ut ad sequentem provinciam Histriæ pertineat. LUCAS HOLSTENIUS.

† HISTRIA.] Erat conjuncta cum provincia Venetiarum, & suberat Aquileiensi Primate. LUCAS HOLSTENIUS.

** *Tergestum* *Tergeste*, vulgò *Triesto*] *Trieste*. LUCAS HOLSTENIUS.

†† *Emona* &c. vulgò *Citta nova*] Hoc falsum: nam ex itinerariis antiquis certè constat *Æmonam* hunc

esse Lubianam ad Savum fluv. vulg. *Labach*. LUCAS HOLSTENIUS.

§ *Severus tertiæ Romanæ* (subsc.)] Theodorus adfuit Concilio Lateranensi sub Martino. LUCAS HOLSTENIUS.

† *D. Gregor. M. mem. etiam Eutycii* &c.] & Benenati lib. 7. Indict. 2. Epist. 88. LUCAS HOLSTENIUS.

§§ *Leontini* &c. vulgò *Lentini* &c.] Lucianus Leontinensis adfuit Synodo Lateran. Martini Papæ &c. LUCAS HOLSTENIUS.

§ *Rogatus* &c. sub Symmacho] Justus Tauro-
menitanus Concilio Lateranensi sub Martino. LUCAS HOLSTENIUS.